

dan Koanonen hott'ch mich n ganzen Dak rimjoin lossen. Ich dochte: „Du wärschtch amol zun Feinde schloin, die scheinen mieh lus zu hoan,“ un weilch salber keene Flinte hotte, do foiert'ch de Suldoaten oan: „Gemmer druf, eemmer druf, ferrt'ch ne! De schiffen oack blind. Woas läht'r oich denn ärscht uf'n Bauch, un fricht uf oallen Bieren? Gemmer druf! Lohht oack! Gemmer fixer geschussen!“

Se soak'n mich manchmol ganz bise vun der Seite, oan, ader se ging'n wärfelch druf wie Blicher, nor moanchmol kniete no Gener bein Schiffen, weil erch fercht'n muchte.

'S woar, as wenn der bise Feind lus wäre, su sauste un pfiff's in der Luft. Dan met'n grußen Schnorrboarte, dan'ch bein Hofe oangerädt hatte, soak ch o wieder, wie ar zu an Suldoaten woas soite, as ch'n oangefoiert hotte.

„Uff dan hiert ne!“ schrieg'ch, as dar Suldoate zu schiffen ufhierte un sich hinsetzte, as gäb ersch verluren, — „doas eß a Schpion, dar hot mich vurn o schunne beläumert.“

Do mehnt'r, oan Schpoaß verständ'r, ader doas mäßt erch verbittn.

„Nischt fer ungutt, mei Harr“ soit'ch, „ich warsch Se glei a Böffel hiz'g, wenn'ch ins Foier kumme.“

Heinerch hotte derno bei Brennersch derzählt, ar hätte gesoit, su an Schafkopp hätt'r no ne gesahn.

Seit dar Zeit räd'ch ne mieh met Heinerchen, denn doas eß do bale anne Beleid'gung. Dar Harr sull ibergens, wie Kloses Harrmoan mehnte, dar bei der Tränk geschtahndn hot, a Feldschar gewesen sein, die wär'n moanchmol siehre grobb.

Wahrend'ch nu doas su derzähle, hoach gonz vergass'n zu derwähnen, doas se, ibb mer¹⁾ no'n Barg ganz roanwoaren, un as die Infanterie aben met Hurrah uf de Artillerie lusging, se oansing'n zu blosen unds Geschiffe ufhierte. Dann wie'ch de Artillerie hie met uns zo schoaffen macht, do wärd se doa ne Achtgen hoan,²⁾ woas hinger ihr virgieht, un wie se do groade denkt: met dan Fußloatschern, do wärschte schun fertg war'n, do kimmt su vun Stadl har de Gaffallerie oangefladert, un weil de Koanonen ne noa

¹⁾ ehe wir. ²⁾ Achtung haben.